

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KTK 0056647 24

Zenica, 03.12.2024. godine

OPĆINSKOM SUDU U TEŠNJU
Sudiji za prethodno saslušanje
TEŠANJ

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

OPTUŽNICU

Protiv:

B. K., neosuđivan,

Što je:

Za utakmicu odigranu dana 20.10.2019. godine na fudbalskom stadionu u Tešnju, općina Tešanj, između Nogometnog kluba „**██████████**“ i Nogometnog kluba **██████████**“, u svojstvu odgovorne osobe koje svojstvo ima shodno odredbama člana 2. stav 6) KZ FBiH u Nogometnom savezu Federacije BiH i fudbalskog sudije A liste Prve lige Federacije Bosne i Hercegovine, u Prvoj ligi Federacije BiH za takmičarsku sezonu 2019/2020, u kojem svojstvu je ovlašten Odlukom Nogometnog saveza Federacije BiH **██████████** od 04.07.2019. godine o listi sudaca Prve lige Federacije BiH za takmičarsku sezonu 2019/2020, pri čemu je isti delegiran za suđenje određenih nogometnih utakmica, pa je u tom svojstvu sudije A liste Prve lige Federacije BiH, u namjeri pribavljanja protivpravne imovinske koristi za sebe, postupajući suprotno odredbi člana 4. stav 1. tačka 3) Kodeksa o ponašanju članova nogometne/fudbalske organizacije Nogometnog saveza Federacije BiH kojim je propisano da: „Svi članovi nogometne/fudbalske organizacije ne smiju prihvatiti mito, što znači da moraju odbiti sve poklone ili druge vrijednosti koje im se ponude, obećaju ili pošalju, kako bi prekršili svoju obavezu ili se nepošteno ponašali u korist treće strane;“, svjestan da u okviru svojih ovlašćenja preduzima radnje koje ne bi smio izvršiti, što je i htio, dana 19.10.2019. godine, prije početka utakmice, u putničkom motornom vozilu **██████████**, na parking prostoru Restorana „**██████████**“, općina Dobož, primio dar od **██████████** u iznosu od 3.000,00 Eura i 1.000,00 KM, da bi zauzvrat u navedenom svojstvu i načinu suđenja uticao na ishod rezultat navedene fudbalske utakmice u korist Nogometnog kluba „**██████████**“ na koji način je za sebe pribavio protivpravnu imovinsku korist u ukupnom iznosu od 3.000,00 Eura i 1.000,00 KM,

dakle, kao odgovorno lice u Federaciji BiH primio dar ili kakvu drugu korist za sebe da u okviru svoje funkcije učini što ne bi smio učiniti,

čime je počinio krivično djelo Primanje dara i drugih oblika koristi iz člana 380. stav 1.
KZ FBiH.